

kamen van dem gebreke der stellyn-  
ge vnd der slöte: Wo de Schypper  
dat sweren wyll mith iij. edder iij.  
Schypmannen/ dat de Wyn nicht  
vorlaren sy by dem gebreke der stel-  
linge vñ der slöte/ so schal de Schip-  
per qwydt vnd fry daruan wesen.

Vnde so he nicht darff sweren  
mit twen syner Schypmenne/ de de  
Kopman dartho vth keset/ so schal  
he dem Kopmann synen schaden  
vprichten. Wente se synt schuldich  
dem Kopman de stellynge vnd slö-  
te tho vorsekerende / ehr dat se van  
dar scheyden edder segelen / dar se  
geladen hebben.

### De Zwölffte Artycfel.

**A**l Inn Schypper huret syne  
Schyplüde/ he ys plichtich  
se in gudem frede tho holdende/ vp  
dat eyn dem andern neen vnrecht  
edder schaden dohn/ vnde he schal  
er myddeler vnd Richter wesen/ des-  
wyle